

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 15.03.2018թ. թիվ 1807763635 որոշումն անփոփոխ, իսկ վարչական բողոքն առանց բավարարման թողնելու մասին

<<13>> 04 2018թ. 174-43204- 18/174-5518

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արթուր Սյրեփանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Կոմիտաս պողոտայի 56 շենքի 1 բնակարանի բնակիչ Արթուր Սյրեփանյանը՝ դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 15.03.2018թ. թիվ 1807763635 որոշման վերաբերյալ՝ նշելով, որ կատարել է կանգառ 1-2 ժամանակով՝ մինչև կայանադրեղի ազատվելը:

Դիմումի քննարկման արդյունքում պարզվել է, որ վարչական ակտը վերանայելու հիմքեր չկան՝ հետևյալ պարզառարանությամբ.

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշման 80-րդ կետի համաձայն, տրանսպորտային միջոցը տեղակայել թույլատրվում է երթևեկի մասի եզրին զուգահեռ մեկ շարքով՝ բացառությամբ այն տեղերի /երթևեկի մասի տեղային լայնացում/, որտեղ գծանշմամբ թույլատրված են տրանսպորտային միջոցների դասավորման այլ ձևեր, իսկ իրավախախտումն ամրագրած տեսանյութից հստակ երևում է, որ դիմումատուին պարկանող տրանսպորտային միջոցը տեղակայված է երթևեկի մասի եզրին զուգահեռ երկու շարքով:

Հարկ է նշել նաև, որ տվյալ պարագայում հնարավոր էր իրավախախտումը որպես նվազ դիտարկելու, սակայն Վարչական իրավախախտումների վերաբերյալ ՀՀ օրենսգրքի 124-րդ հոդվածի 39-րդ մասի համաձայն՝ սույն հոդվածի 21-րդ և 25-րդ մասերով (միայն կանգառ կատարելու մասով) նախատեսված վարչական իրավախախտումն ունի նվազ նշանակություն այն դեպքում, երբ կանգառը կատարվել է **միայն ուղևորների նստելու կամ իջնելու նպատակով, չի գերազանցել մեկ րոպե ժամանակահատվածը**, և դրա հետևանքով երթևեկության մյուս մասնակիցների համար խոչընդոտ կամ վթարային իրադրություն առաջացնելու ակնհայտ վտանգ չի ստեղծվել, իսկ Ճանապարհային ոստիկանության վարչական տույժ նշանակելու մասին 15.03.2018թ. թիվ 1807763635 որոշմամբ ամրագրված տեսանյութի տևողությունը գերազանցում է մեկ րոպե ժամանակահատվածը:

Այսպիսով՝ ակնհայտ է դիմումատուի կողմից ճանապարհային երթևեկության կանոնի խախտում թույլ տալու փաստը, ինչի համար Վարչական իրավախախտումների վերաբերյալ ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին մասին 15.03.2018թ. թիվ 1807763635 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Արթուր Սյրեփանյանին և ՃՈ ՏՄՀԽԱ կենտրոն:



Ե.Կարապետյան